

# KENYATAAN MEDIA

***UNTUK EDARAN SEGERA***

## **ANAK SYARIKAT CIDB MALAYSIA METERAI MOU DENGAN SYARIKAT SWASTA DALAM PROGRAM PEMBANGUNAN LATIHAN TVET PEMBINAAN**

**KUALA LUMPUR (30 APRIL 2024)** – Lembaga Pembangunan Industri Pembinaan Malaysia (CIDB) melalui anak syarikatnya iaitu CIDB Holdings Sdn Bhd (CIDBH) pada hari ini telah menandatangani Memorandum Persefahaman (MoU) dengan Smart Paints (M) Sdn Bhd dan Persatuan Kontraktor Bumiputera Malaysia (PKBM) dalam pembangunan program latihan TVET Pembinaan. Melalui kerjasama ini Pelatih Akademi Binaan Malaysia (ABM) akan diberikan latihan dalam teknik pengecatan dan pengendalian mesin oleh pihak Smart Paints. Pelatih ABM juga akan dibimbing menjadi usahawan dan panel pengecat untuk Smart Paints.

Kerjasama ini merupakan langkah penting untuk meningkatkan kemahiran dan produktiviti dalam industri pembinaan Malaysia melalui inisiatif latihan yang berstruktur serta sokongan teknikal. MoU ini menetapkan beberapa bidang kerjasama:

- **Smart Paints dan CIDB Holdings** Smart Paints akan menyediakan mesin cat dan produk mereka ke ABM, bagi melatih pelatih ABM dalam teknik pengecatan dan pengendalian mesin, serta membimbing mereka menjadi usahawan dan panel pengecat Smart Paints.

- **Smart Paints dan PKBM** menyediakan latihan dan taklimat yang terstruktur kepada kontraktor dan pekerja binaan guna meningkatkan mutu serta kualiti kerja mengikut standard industri, dan menyediakan nasihat teknikal yang berkaitan dengan penyediaan dan aplikasi yang efektif.
- **CIDB Holdings dan PKBM** menyediakan latihan dan taklimat yang terstruktur kepada kontraktor dan pekerja binaan guna meningkatkan mutu serta kualiti kerja mengikut standard industri, dan menyediakan nasihat teknikal yang berkaitan dengan penyediaan dan aplikasi yang efektif.

Kerjasama ini dimeterai melalui Memorandum Persefahaman (MoU) oleh CIDB Holdings, anak syarikat CIDB Malaysia dengan Smart Paints (M) Sdn Bhd dan Persatuan Kontraktor Bumiputera Malaysia (PKBM). Dato' Sr Mohd Zaid Zakaria, Ketua Eksekutif CIDB Malaysia yang juga merangkap Pengerusi CIDB Holdings, manakala xxx, Smart Paints dan xxx, PKBM.

Majlis menandatangani MoU ini disaksikan oleh Timbalan Menteri Kerja Raya, Datuk Seri Haji Ahmad Bin Haji Maslan. Turut hadir pada majlis tersebut ialah Ketua Setiausaha, Kementerian Kerja Raya, Datuk Seri Haji Hasnol Zam Zam Bin Haji Ahmad dan Ketua Pegawai Eksekutif CIDB Holdings, Encik Supian Musa.

“Kementerian Kerja Raya (KKR) komited dalam pelan ini dengan memperkasakan TVET Pembinaan. KKR menerusi CIDB Malaysia melahirkan tenaga-tenaga mahir yang kompeten di Pusat Latihan CIDB iaitu Akademi Binaan Malaysia (ABM) dan CIDB Technologies. Sehingga kini lebih dari 420,000 berjaya dilatih dan diiktiraf sebagai pekerja mahir,” kata Datuk Seri Ahmad Maslan, Timbalan Menteri Kerja Raya dalam ucapan perasmianya.

## **PELANCARAN KEMPEN SMART PAINTS MALAYSIA**

Dalam majlis itu juga, Timbalan Menteri turut merasmikan pelancaran kempen "Smart Malaysia – NegaraKu, JenamaKu", sebagai usaha untuk mendukung produk-produk keluaran tempatan dengan menggunakan teknologi mesra alam. Inisiatif ini selaras dengan komitmen ke arah pematuhan prinsip-prinsip Alam Sekitar, Kestabilan, dan Tadbir Urus (ESG).

Untuk maklumat lanjut, sila hubungi CIDB Careline di talian 03-5567 3300.

---

### **Mengenai CIDB Malaysia**

Lembaga Pembangunan Industri Pembinaan (CIDB) ditubuhkan menerusi Akta Lembaga Pembangunan Industri Pembinaan 1994 (Akta 520) bagi membina kapasiti dan kapabiliti industri pembinaan melalui peningkatan kualiti dan produktiviti dengan memberi penekanan kepada professionalisme, inovasi dan pengetahuan ke arah kehidupan yang berkualiti.

---

**Untuk maklumat lebih lanjut, sila hubungi:**

#### **CIDB Malaysia**

Noraini Fadzil [noraini.fadzil@cidb.gov.my](mailto:noraini.fadzil@cidb.gov.my)

019 – 226 265

Mansor Ahmad [mansor.ahmad@cidb.gov.my](mailto:mansor.ahmad@cidb.gov.my)

012- 386 4997